

LOCAL
BON DIA

Aruba

Carnaval di Antaño



Poco di e Historia y Origen di Aruba su Carnaval y evolucion



ORANJESTAD- Carnaval di Aruba ta wordo celebra ya pa mas di 60 aña y ta wordo celebra cu hopi alegria y fantasia. E principal caracteristicanan di e parada di Carnaval ta gruponan disfrasa, y ta baila riba ritmo di e musica di steelband na comienso y awendia riba ritmo di bandanan local.

COMIENSO DI CARNAVAL

E prome celebracion di Carnaval a cuminsa na 1921, momento cu mayoria di e clubnan social tabata tene nan celebracionnan disfrasa. E



celebracionnan aki lo tuma lugar riba tereno di e clubnan social mes y mayoria tabata tuma lugar den forma di baile al estilo Europeo den añanan

1920 di siglo pasa. Despues di un par di aña e Mericanonan trahando na Lago a introduci nan propio estilo Americano- Europeo di tene nan actividadnan, manera un baile cu bistan elegante organisa door di Lago Marine Club, unda miembronan tabata bisti na payaso, Cabayeronan, of torero.

PROME PARADA ORGANISA

E prome parada di Carnaval a wordo teni na 1955. Segun historiadonan, Carnaval a cuminsa hopi prome cu esey, pa ta exacto na aña 1921. Pero mester bisa si cu Carnaval a wordo introduci door di trahadonan di Trinidad, cu a



bin traha aki na Aruba pa bin traha den e ramo petrolero. Gruponan di e elite Arubano a tuma e celebracion aki over for di e grupo di inmigrantenan aki y a extende esaki mas ainda. Na aña 1954 e Carnaval Central Comitee Aruba (CCCA) a wordo forma pa coordina tur e actividadnan di Aruba su carnaval. E prome parada di mucha a tuma lugar 2 aña despues. Na 1955 e prome parada organisa a wordo forma. E aña aki tambe e prome reina di Carnaval a wordo eligi, cual a keda den persona di Srta.

Evelina Croes. Carnaval di Aruba ta wordo celebra cu hopi alegria y fantasia. Mañan **BON DÍA ARUBA** lo sigui elabora mas di e historia y evolucion di Aruba su Carnaval. □



TURNING THE 'BIG PAU'. With Robert Richardson keeping a steady beat - aided by his son, Carlos - Harold Croes starts the parade and remains back of parade the drum by recording. The parade begins the night with drums from a drummer.

